

PLAN DI ASERKAMENTU PROYEKTO “AUDITORIA KOMPANIANAN DI GOBIÈRNU” KÒRSOU

Resúmen di gerensia

Ouditoria di kompanianan di gobièrnu	
Kòrsou	
Gastunan i efektivitat di sektor públiko (B.2)	
Motibu	<p>Meta di tema B di e pakete di pais ta, minimalisá gastunan di sektor públiko en general i pa halsa kalidat i efisiensia (inkluso e poder di implementashon) di sektor públiko. Esaki ta inkluí tambe aktividatnan di empresanan di gobièrnu òf kompanianan anónimo di gobièrnu (ONV). Kompanianan anónimo di gobièrnu den nan mayoria ta kompanianan, ku pa motibu di e eskala chikitu di Kòrsou, tin un monopolio natural.</p> <p>Mas efektivo i efisiente e kompanianan anónimo di gobièrnu traha, mas mihó pa komunidat. Indirektamente kompanianan anónimo di gobièrnu por forma un riesgo pa finansa públiko, si gobièrnu, pa motibu di pèrdida di kompanianan di gobièrnu, mester komplementá kapital di e kompanianan. Ademas por sosodé ku gobièrnu ta hañ'é obligá pa sostené un kompania anónimo di gobièrnu temporalmente, si kontinuidat di e empresa ei ta bou di preshon.</p>
Meta	<p>Meta di e proyekto “Ouditoria di Kompanianan di Gobièrnu” ta pa a base di investigashon duna rekomendashonnan spesífiko tokante e kompania di gobièrnu (ku a investigá) i, mas en general, duna rekomendashonnan pa un kuadro di maneho konkreto, ku kua por mehorá efektivitat, e forma di dirigi (governance) i maneho operashonal di e kompania anónimo, di manera ku por prevení, den e kaso akí, limitá (futuro) riesgo i pèrdida finansiero pa pais Kòrsou. A base di resultadonan di e investigashon ta determiná kua siguiente pasonan ta nesario.</p>
Aserkamentu skohé	<p>Kòrsou tin un gran kantidat di kompania anónimo di gobièrnu. Pa tene alkanse di e investigashon limitá, a selektá 5 kompania di gobièrnu, ku lo investigá komo e promé nan. SOAB lo ehekutá e investigashon i ta konsistí di dos trayekto: 1) un análisis di e kuadro di maneho i 2) un ouditoria di e kompania anónimo di gobièrnu. Ta inkluí resultadonan di e investigashon i e rekomendashonnan den un rapòrt final. Un grupo piloto ta vigilá progreso den implementashon i kalidat di e investigashon.</p>
Resultadonan ku ta aspirá	<p>Den e promé trayekto e proyekto mester duna e siguiente resultadonan:</p> <ul style="list-style-type: none"> • Un análisis di e kuadro di maneho i e metanan di maneho stratégiko pa funda, manehá i para invershon (sera òf bende) den e kompania anónimo di gobièrnu i e forma kon a atendé ku esaki. • Un análisis di e maneho di ‘corporate governance di Kòrsou i e forma ku Pais Kòrsou komo akshonista i stipuladó di maneho ta garantisá ku ta kumpli ku e maneho akí. • Un análisis di e forma kon Pais Kòrsou komo akshonista i stipuladó di maneho ta disponé di mekanismonan di mantenshon di lei pa garantisá ku ta kumpli ku e reglanan di maneho eksistente, inkluyendo introdukshon di normanan pa e entradanan di mas haltu. • Un análisis di e suministro di informashon na parlamento tokante e kompania anónimo di gobièrnu i otro entidatnan (semi)gubernamental. <p>Den e di dos trayekto e proyekto mester duna e siguiente resultadonan pa kada kompania di gobièrnu:</p> <ul style="list-style-type: none"> • Un deskripsjon di e meta formal ku e kompania di gobièrnu ta aspirá a base di legislashon, statuto, dokumento di maneho i otro dokumentashon

	<p>relevante.</p> <ul style="list-style-type: none"> • Un análisis di efisiensia di e kompania di gobièrnu ku a keda investigá, hasiendo entre otro uso di sifranan klave (regional), evaluashon komparativo i un análisis empresarial di parti di un spesialisista di e sektor. • Un análisis di e interesnan ku gobièrnu komo doño di akshonnan públiko ta sirbi i nan efektivitat den práktika.
Koherensia i/òf dependensia	<p>Kòrsou pa medio di e 'Landsverordening normering topinkomens (LNT)' a introdusí un norma pa salario di funshonarionan di mas haltu di entidatnan gubernamental. Durante e investigashon den e sinku kompanianan anónimo di gobièrnu i análisis di e kuadro di maneho, mester tene kuenta ku e efekto di e LNT riba e kompanianan menshoná.</p>
Planifikashon	<p>E preparashon a tuma lugá durante e di dos kuartal di 2023, ku e meta pa finalisá e enkargo pa mas tardá fin di ougùstùs 2023, pa despues por start ku ehekushon di e investigashon. Ta premirá ku e investigashon kompleto lo ta finalisá na mart 2024, pa despues atministrativamente determiná un reakshon di maneho.</p>